

T C
4924

h.



h. 3,21.

L. 187.

Vc
4924

NOMINALIBUS
SERENISSIMI, POTENTISSIMI QVE
PRINCIPIS AC DOMINI,
DOMINI
JOHANNIS GEORGII
SECUNDI,
SAXONIÆ, JULIÆ, CLIVIÆ AC MON-
TIUM DUCIS, S. ROM. IMPERII ARCHIMA-
RESCHALLI ATQVE ELECTORIS, LANDGRAVII THU-
RINGIÆ, MARCHIONIS MISNIÆ, SUPERIORIS ITEM
ET INFERIORIS LUSATIÆ, BURGGRAVII MAGDE-
BURGENSIS, COMITIS IN MARCA ET RA-
VENSPURG, DYNASTÆ IN
RAVENSTEIN,
DOMINI NOSTRI INDULGENTISSIMI,
Sermone Panegyrico,
qui simul
PATRI PATRIÆ DIEM FAMILIAREM,
simul
URBI PRÆSENTIAM PATRIS PATRIÆ
gratulabitur,
ipso S. Johannis Baptistæ festo celebrandis,
Auditores, qvotqvot
SERENITATI EJUS
è Corpore Academiæ Lipsiensis devoti sunt,
sunt autem Cives à maximo ad minimum omnes,
conciliatos cupit
FACULTATIS PHILOSOPHICAE
DE CANUS.



H. B. Lautz.

ngredietur hodie

hanc urbem (certa fama est,) Dominus Urbis, Pater Academiæ, Columnen Imperii, JOHANNES GEORGIUS II. Princeps Elector Pius, Magnanimus, Felix. Cras sacram suo Nomi ni diem apud nos aget. Perendie provincialibus aliis forte præsentiam exoptabilem cōmodabit. Obruimur non magis lætitiae vix ante paucos prævisæ dies abundantia, quām multitudine officiorum. In unum propè anhelitum omnis conjicienda nobis & excipiendi Principis, & conveniendi, & votis proseqvendi pietas est. Qvam eqvidem in pectore promptam semper, in omnesq; casus stricuam gerimus. Sed non perinde expeditum est, sive temporis hilariatem, qvam utcunq; mente conceperis, floribus exæquare verborum: sive ardorem flagrantis in cœlum usq; animi stilo nihil humiliore profiteri. Et scimus, ubi magnitudinem fortunæ par consecuta sit celeritas, etiam disertissimum qvemq; obmutuisse. Nec erit tamen, auguramur, Optimo Principum minus grata infantia nostra, qvām Maximo qvondā Regum Artaxerxi fuit Sinætæ manus oblatus ē præterfluente aquæ haustus. Hoc enim dono majoris fidei, qvām opulentia Persæ excepisse Regem legitur, qvem iter facientem immunem transmittere nefas putabat etiam extrâ villam deprehensus suam. Nos verò domi qvidem hic

hic sumus: nec ignoramus, Bacchi potius, quam
Acheloi pocula libari Diis solita: & erunt haud du-
biè, qui isto quoque genere præsentiam Majestatis
venerabuntur. Sed est tamen iisetiam, qui aquam
affundunt, inter ministeria locus. Ipse Princeps
crastino mane, nihil prius, quæ ejus religiositas est,
in memoriam revocabit, quam aquas lustrales. In
his enim eo quondam imbutus est nomine, qui to-
tum diem peculiari titulo Provinciis festum red-
dit. Ita dies ex nomine, nomen ipsum ex aquis gra-
tiam invenit. Imò aqua unicè accessit pretium è
TER SANCTO NOMINE PATRIS, FILII, SPIRITUS
SANCTI, quod in illo elemento, quotiescumque
Christianus iniciatur, usurpari Deus ipse jussit. Ne
deseramus cœptam historiam, liceat magnis par-
va componere. Etiam Artaxerxi placuit aqua Si-
nætæ, postquam intellexit è Cyro fluvio haustram.
Adeò familiare suæ genti nomen in plebejo quo-
que latice exosculatus est. Ad aquam baptismatis
nihil flumen Cyrus. Ne Coaspis quidem, aut Eu-
læus, quos tamen mensis suis dignabantur Persiae
Reges. Enim verò in illo sacro fonte non nomen
DEI, DEUM ipsum induimus: nec aliorum inau-
dimus nomina, sed fortimur nostra. Hic Serenissi-
mus Patriæ Pater primùm **JOHANNES GEORGIVS**
esse jesus est. **JOHANNIS** nomen Celsissimæ
Domui primus intulit is, quem Augustanæ Con-
fessionis gloriosum postridiè Nominalis sui Ex-
hibitorem nulla secula conticescent. **GEORGII**
voca-

FK K 4924

vocabulum parùm abest, qvin à Podiebrado Bo-
hemiae Rege accessitum videri queat: qvem gesta
pro Husitis bella ut invisum Pontifici, sic nobis
prædicandū effecere. Hujus profecto per Filiā Ne-
pote nemo GEORGIUS SAXONIAE Princeps habetur
illustrior. Ambo nomina felicissimis ominib. pri-
mò coaluerunt in orthodoxæ fidei Defensore JO-
HANNE GEORGIO I. qvi jam inter Cœlites triūphat.
Ab hoc in Filium Nepotēmq; Dominos nostros
Clem. propagata uberem nobis materiem præbēt
felicitatē crastinæ diei non ē nominib. magis, qvā
virtutib. hæreditariis metiendi: simul appellandi
DEUM, ut delicias diei tām beatæ qvām sæpissimē
ex Opt. Principum in cœlitate intendere nobis
velit. Sed in hoc argumēto copiosior erit crastina
Oratio Juv. Elegantiā morum, Jurisq; prudentiæ
studio probatissimi Godofredi Kelleri Coldiciens.
Qui pro singulari suo in Parentem Patriæ affectu
dicendi partes à nobis ultrō flagitavit. Et implebit
horā duodecimā in Auditorio Phil. Implebit autē,
si qvid ē chartarum lectione prædici potest, cum
voluptate auscultantium. Qvanqvam nihil ma-
jorem ipsi par est audientiam facere, qvām nomē
Augustissimi Electoris. Per qvod Rectorem Aca-
demiae Magnif. omn. Collegior. Proceres, omniū
Facultatum studiosos, ut pietati publicæ semiho-
rulam indulgeant, obtestamur. PP. pridie
Joh. Baptistæ d. 23. Jun. A. 1663.

407



ULB Halle
004 807 944

3



VDT7



h.3.21.

T. 187.

Vc
4924

NOMINALIBUS
SERENISSIMI, POTENTISSIMI QVE
PRINCIPIS AC DOMINI,
DOMINI

JOHANNIS GEORGII

SAXONIAE
TIUM DUCI
RESCHALLI ATC
RINGIÆ, MAR
ET INFERIORI
BURGENS

VE

DOMI

Serm

PATRI PA

URBI PI

ipso S. Joh

SE

é Corp

funt autem

FACULT

D



H. B. Lortz.